

晚

晴

移

詩

匯

晚晴簃詩匯卷一百八十目錄

徐坊 十九首

李葆恂 六首

吳俊卿 三首

張祖繼 二十首

范當世 九首

崔適 四首

張宗瑛 三首

楊世謙 三首

葉元吉 六首

高延第 五首

陳瀚 八首

陳璟章 七首

李佳 七首

王嘉詵 六首

邱晉成 四首

朱啟運 七首

朱福清 一首

晚晴移詩匯卷一百八十

徐世昌

徐坊字梧生臨清人歷官國子丞贈太子少保諡忠勤
有徐忠勤公遺詩

詩話余家系出中山王忠勤始祖爲中山王之兄余與忠勤敘兄弟行先德曉山中丞因越南軍事建問久之乃邀寬典忠勤親侍園囿世稱其孝旣淡仕進績學好古一意聚書多得祕帙北方藏書家自楊氏海源閣外罕有其匹後以薦起授國子丞不由科目而膺清秩又侍講雖皆異數也壯歲始爲詩晚乃益進蒼涼深婉有黍離麥秀之音回憶平生雅契唱酬多見集中採掇遺篇不勝人琴之感

樊川春望

旅食京華兩鬢絲江湖落魄亦堪悲談兵憂國人何在
杜墳連老杜祠

會興鎮河干懸崖數百尺平挹中條俯臨茅津喬生

建飛閣三楹於其上置酒高會以落其成卽席賦
此

憑闌俯瞰暮煙屯鬱鬱羈懷託酒尊北向雲山終破碎西
來濁浪太奔渾閒看倦鳥歸飛急靜聽行人爭渡喧巨壁
高崖自千仞不隨砥柱障三門

偃師武虛谷墓下作

路側纍纍馬鬣封渚蘋一薦授堂翁中州人物今誰考漢
代循良相與同大吏從來惡強項古人先爲寫遺容傳經
若問先生學原異談元魏晉風

和莘夫見寄原寄

縱橫懶讀短長書一任閒雲在太虛歷歷古今觀軫轍悠
悠天地作蘧廬窮通何事同齊變草昧應知有魯初只入

深山最深處不聞理亂狎禽魚

志隱堂成

飛鳥語燕有哀音背郭堂成百感侵窗外秋聲黃葉下門
前殘照綠苔深悽悽茹苦含辛意落落逃名遁世心千古
斜川同抱痛欲書往事淚沾襟

秋雁

秋雁參差起隨陽正遠尋欲窮霄漢力只遂稻梁心聲急
繁霜冷歸遲夕照沈還應念綰繳莫恃塞雲深

春日寄士範

百年無計挽流光兩鬢飄蕭漸有霜靈鞠一官宜祭酒相
如當日本貲郎天蕤積雪暮寒重夢繞春山歸思長與爾
何時共游賞梨雲萬樹照書堂

和弢齋早春閒坐

春回先向歲寒知，欲約看春未有期。
麝自成塵香自在，灰難生焰冷難支。
空餘燕壘留虛幕，惟見蟾光照素帷。
萬種閒愁兩行淚，斷腸滋味夢醒時。

再疊浪字韻寄玉初山中

緘愁無復寄穹蒼，咄咄書空字數行。
里社追隨聊結約，近郊耕鑿勝還鄉。
心傷蜀魄依羣鳥，目斷虞淵望九陽。
荏苒光陰今日盡，灑將衰淚任浪浪。

題女夫盧氏史吉甫編修

寶安

鹿車偕隱圖

名山五嶽游能徧，緊向子平最堪羨。
縱令晚不知所終，蒼莽塵寰何足戀。
相攸我昔得史生，嶄然頭角何崢嶸。
手把一編日吟誦，嗟余荒落慚冰清。
陵谷遷移兵火盛，傷時衰

淚如泉迸風塵浩浩閉閒門與爾相依以爲命熊耳雙尖
洛浦深夢中歸路渺難尋布裘椎結相料理不負平生教
女心阿舒二八泉明老遺山羈旅阿茶小何時婚嫁願能
償使我一生心事了大巵小巵高凌空春花如雪秋葉紅
便攜德耀入山去年年常住畫圖中

題勞玉初學副金麓歸耕圖

吾廬二巵下南睇金山頂有田不得歸泛泛如萍梗去年
經喪亂風塵恣頑獷時移人事遷衰淚下如縷披髮還故
山去去事幽屏空山寂無人白雲在高嶺

我愛子勞子金麓同歸耕此邦有遺愛父老爭歡迎昔爲
陶彭澤今作王深甯農隙教鄉里正學傳遺經有時帶經
鋤莠去嘉苗榮相期理荒穢戮力望秋成

巖扉靜不開嵐翠環茅屋門前散雞豚牆外垂綠竹丹青
託畫師窈窕狀谿谷劇憐耦耕人釋耒吞聲哭傷心畫不
成但寫西山綠西山有薇蕨采采不盈掬

韜叟頑山以壬子仲秋偕淵靜游長隄山望秋瀾行
宮和壁間黃葉村人原韻見示同作

蕭蕭黃葉下故國賸離宮古木樵人徑斜陽牧笛風縱橫
秋潦濁莽蒼亂山童往事空回首含悲問朔鴻

孟夏朔日立夏作

九日春光齊掣電小園狼藉風花亂不知今夕是何年曉
鐘聲動空悽戀山中無歷無春秋節序驚心暗中換莽莽
都成夏木陰啾啾已異春禽囀送春歸去發春愁痛惜餘
春淚凝霰寫憂我欲泛舟行沿溪不見桃花片

讀羅叔蘊參事

振玉

所著殷虛書契考釋奉懷卻寄

兼呈王靜安主事

國維

越海乘桴去吾思管幼安學通殷甲子節見漢衣冠
遯世心無悶蒐奇力未殫高名王彥考薇蕨好同餐

我老真無補空教侍講帷一瓶還秘閣三禮愧經師
病起涓顏早書來作荅遲良朋隔瀛海東望涕漣洏

和蘭畦早春書事韻

寒盡山中未覺春更驚白髮夜來新桃源幸不經秦火
栗里端宜署晉人俯仰百年終有恨推敲一字未全貧
詩成且漫題名姓莫被遐荒傳逸民

黃葉

宮槐苑柳影離披黃葉瀟瀟下玉墀
踐職甘從多難日溫

經悔向旣衰時賢於堯舜天甯厭變到滄桑地不知爲語
西風漫淒緊貞松原有歲寒姿

李葆恂字文石義州人直隸候補道有紅螺山館詩鈔

詩話文石爲子和河帥之子幼卽嗜書畫尹杏農在
河帥幕稱爲髻年畫董狐長而游宦爲諸侯賓客虹
月留塵雲煙寄賞品題所及聲價爲高別爲無益有
益齋論畫詩題目所見劇蹟遠自顧陸下逮文董國
朝四王吳惲外但取尊古庶牀
二家可見其著錄之矜慎矣

泊楚望

百丈搖曳寒波間陰雲薄暝低闌珊行人被酒雪兀兀長
年歌曲腰環環銜蘆一雁未可篡帶甲萬土何當還角聲
禾夜客頭白歲晚風塵愁故山

田伏侯太守招同諸君崇效寺看牡丹衰病到遲主
客盡去獨坐成詠憶光緒丁酉僧王幼霞侍御看

花此寺恰此日故卒章及之

客去亦已久獨游誰與同相看如勝侶小立逆香風色豈
依僧淺嬌疑向日融無嫌煞風景吸茗夕陽中

記與半塘叟同游恰此晨幾叢仍故種何處復斯人得句
留花片半塘有唐多令一闕題名拂壁塵芳菲看欲歇悵惻併沾巾

滄州

度帆樓下晚風徐州人張氏所居倦客重來繫纜初古碣猶存資

考據同治中州人得隋王僧墓志今藏王氏故家無恙尙詩書州傳善釀偏

慳酒我適臨淵卻羨魚此行絕無魚蝦剩有當年殘破膽河干廢

壘已成墟庚子過此正值梅營與拳匪戰

贈陳伯嚴吏部

相見遽言別思君廿載勞冥心更世變埋照益名高句健

規雙井杯深貌二豪無言看鬢髮江海日滔滔

蓮丈以新作見贈步韻奉酬

徵圖覓句續前盟泥飲何須效步兵幸有藏書宜子弟恥
將行卷上公卿蕭蕭白髮三千丈落落青琴一再行世網
同逃應自喜頑空何事不平鳴

兩日大風如吼體中肝風與相應和甚不適也

吳俊卿字倉碩安吉人諸生江蘇候補知縣有缶廬集

詩話倉碩作篆好撫石鼓尤工畫往往放筆爲直幹以寓其抑塞磊落之意一時海上宗之幾成別派詩亦務爲質直譚復堂爲之序謂其語幽而思雋致險而聲清許爲接武東陶東陶目吳野人也

贈野僧青望

黃茅蓋屋石堆牆蒲蒲風回薜荔香籠閣夜鑑通窈窕雨
出流水犯淒涼月明古廟蛇神出路滑秋蕪馬足荒輪與
山僧攤粥飯笑人行役太恩忙

贈譚復堂先生

種柳紅塵隔填詞白屋溫天寬容故我地僻閉閒門冷抱
篋中集涼開湖上尊歸來陶靖節松菊想猶存

疆飯

疆飯能驅病禁寒慣典衣打頭朝雨下梳髮旅塵飛潮影
白沈屋石苔青刺扉無人慰寥落梁燕故依依

張祖繼字麀民又字瓠肥晚號老聯南皮人有聯民詩

鈔

譚仲修曰南皮張麀民窮老樸陋相見以爲邨夫子
以詩稟見示駭觸動心爲之去燕存真得三十餘篇

非當世文學

士所能道

詩話麀民爲文襄族孫年長於文襄從之學鄂記室
最久其品高潔其性孤傲其貌樸古工詩善哭善罵
文襄座上名流最多大半不當其意譏評嘲謔皆甚
切至喜表章節烈有古貞士風昔年余遊武昌時時

來縱談已七十餘矣山其詩相唱和文襄語及甚獎勉亦有時笑其迂樸也初館劉鐫山副憲家多識劇憲所得士屬施均甫譚復堂譚其祖父傳又乞李越縵誤張氏兩節母傳越縵推言世族之重在節義不在科名復贈之詩曰文章貧後健天地布衣寬賤民詩今見女襄思舊集中据復堂所錄則刪削已多爲補存一二詩格高古能振奇於筆墨畦町外取其尤雅潔者別有論唐人詩六十六絕句亦譚藝之要刪也

問天

把酒登高一問天無私畢竟是虛傳
裴航渠有何功德旣作鴛鴦又作仙

漫興

春秋無冰記冬月地氣從南又北行
切莫天津橋上過而今恐有杜鵑鳴

春雨

春雨如賢才年來見愈少跋扈惟春風力吹白日小

春去

春來何足樂春去未嘗悲別有關心事旁人那得知

孟冬

園林秋又去旅泛度年華葉落槐餘實花殘鞠護芽避寒人在閣乞食我無家草木春仍發浮生歎有涯

秋杪

天空地曠初過雨白項烏唳欲冷時殘菊暴心人暴背大家籬下共朝曦

春興

折枝得水花開早老樹逢春葉放遲不信蒙莊齊物論眼前生意尙參差

客中九日

九月九日風雨寒病軀頓覺征衣單兩鬢應教好花笑十年都在他鄉看落英苦口餐不飽來雁退飛書寄難日歸日歸又中止一聲長嘯天地寬

題樊南生小象四十韻

女士如飛將終身太數奇問年丁午壯卜命甲辰雌易轍原無那陳情總見疑雖蒙濮陽辟敢負相公知金屋新人笑紅塵故劍遺何年薦綿竹九日詠江離完璧儻歸趙明珠終報隨誰容禍處士我憶鄭當時排竿黨人結機權宦豎持殊勳尊聖相大手賦韓碑忠過劉司戶情深杜牧之憐才拌痛哭感事託微詞傳僅入文苑生堪爲士師仁心獨活獄強項自無私才大難爲用平生未展眉鵬搏中道

滯獺祭後生嗤學比南溟富胸羅太華奇夢中傳彩筆意
外見深思頗得風人旨原非浪子詩晚成唐格調深入杜
藩籬事業已如此家庭更可悲早孤天不弔多累母先衰
兼抱安仁痛還生白老癡居貧敢言孝失教不能慈大鹵
窮凶久天王問罪遲四方兵振動萬戶衆流離故宅懸如
磬長安亂似碁渠魁纔授首大雨又愆期衡嶽刪文彙湘
濱洗硯池浮生口嚼蠟多病鬢添絲遣興吟桃葉知音失
柳枝鴛鴦夢惆悵蓮府客羈維系本出元帝饑當餐紫芝
養生心見性止念壽齊頤玉洞清涼地金爐大藥資藏修
一鱗角莫戀五羊皮賴有丹青手寫成鸞鳳姿心香燒一
瓣清酒呪三卮欲救江西派先爲劉子儀寸心無限意相
對自神馳

田家夏日

雨敲風胎燕雀忙，隔溪村鎖聚花香。
田家此際尤辛苦，禾正開鋤麥又黃。

吾鄉第一次耘田謂之開鋤

雜詩

煎茶似窮士，聒耳不平鳴。鑪待活火然，水熟翻無聲。
從前不守口，由來爲釣名。君子異於是，窮通不移情。

村外

村外偶遊眺，乍晴無點塵。林深戀棲鳥，野曠滯行人。
農有千年利，春醫萬物貧。歸來仍不倦，閒話過比鄰。

秋景

秋色平添已十分，霜磨雨潤夕陽熏。紫泥蒼石黃花圃，
紅葉青天白雁羣。放眼四圍來爽氣，遐心一片寄閒雲。
傳神

憑仗詩書畫誰作唐家鄭廣文

秋夜

向晚柴門閉小村新卜居消磨秋夜永涉獵古人書照案
燈光冷橫幃菊影疏來朝先眾起帶露采園蔬

柳

多情愛垂柳妙手孰傳神臨水自憐影無風亦動人消磨
燕地冷嫋娜楚宮身更念鶉衣士年年早報春

棗

葉薄不爭桃李陰子多卻勝栗成林風枝偶落空聞響露
草潛藏沒處尋自負晚年仍火色誰知野老有丹心杜陵
時感徵求苦棖觸西鄰淚滿襟

苦雨

山日集言目卷一 下ノ一
黃梅霽雨江山氣祇在江南卑溼地畿南無山亦無江大
風一起塵飛揚竹木灰石遠難致以柴蓋屋土築牆傾河
倒海天瓢漿土化爲泥泥壓牀七十病翁伴聾瞽室人交
謫默無語通夜露處鴉落巢連日斷炊魚在脯四民皆以
食爲天陰陽不燮安種田宰輔誰能繼姚宋救時無術非
無權名言嘗聞呂叔簡發洩太早總歸早閨逢夏五多凶
年祇愁饑饉不得免何況臨海時用兵國家租稅那忍緩
天津橋更嘸杜鵑南來地氣何時返

秋夜

客舍垂簾更閉門讀書消夜靜無言翻聲古鼎煎茶髓弄
影秋鐙寫菊魂孤僻天生誰過訪衰殘風骨自能存寒侵
布被眠難穩暝足何年始抱孫

秋景

秋林環繞秋水池借他娛老須及時性情與人大懸絕尋
常之物翻居奇楓樹丹青設色畫藕花開闔無聲詩一錢
不費許游眺天賜眼福那敢辭

自況

三千里外八旬翁總在劬勞憂患中失侶通霄鶴警露哺
雛鎮日燕銜蟲欲歸無計消家難再住有誰娛客衷進退
維艱方寸亂疑蛇入腹忘杯弓

范當世字肯堂江蘇通州人諸生有范伯子詩

詩話伯子少負雋才時武昌張裕釗有文章名客江
甯伯子偕張審朱銘盤謁之張大喜自詡一日得通
州三生茲事有付託矣與弟鍾鎧世稱三范其一成
進士作令河南一以選拔爲令山東獨伯子以諸生
終生平爲詩甚勤用意幽眇造語深至
多激宕之音殆所謂窮而後工者耶

明倫彙編 家範典 卷一百一十一
酬方子箴廉訪贈文序

昔聞邗上題襟處今過高齋得見公江左文章諸老盡淮南鐘鼓幾人同青天酒盞無弓影夕照軒窗有緒風一序深慚負滕谷江關庾信尙西東

晚涼置酒坐諸君堂下卽席賦詩

使君爲月我爲星卻爲諸君放晚晴祇可談天說瀛海不須想帝夢瑤京眼前瓜果新離土腳下蓬蒿半掩城問客爾從繁會至等琶何似席間清

采南爲詩專贈我新奇無窮傾倒益甚再倒前韻奉酬以其愛好也亦稍爲戲語調之

我與斯文交寥寥孰今曩無端忽見君魂夢猶自壯平生
在江沱神孤意悽愴拓海方寸間蒨鬱不能放豈無山中

人因風託遠響解佩一要之佳期什九爽旨哉荒州庭每
飯有奇賞君詩復絕倫光怪非吾想以此橫山東那弗招
人謗謬以小國稱來侵大國壤丈夫何娟娟面好復有障
看君善躍鱗今落任公網瑜來亮則無邢出尹何兩君知
桐城否所學一身創我來三載餘眼中失煙莽久住方自
然聰明祇能強應須白髮生始附青雲上堅留願學心勿
與身俱往

南康城下作

雪裏送舟出江渚維舟忽被南風阻日日登高望北風北
風夜至狂無主似挾全潮撲我舟更吹山石當空舞微命
區區在布衾浮漂覆壓皆由汝連宵達晝無人聲卧中已
失南康城眯眼驚窺斷纜處惟餘廢塔猶崢嶸老僕顛隤

強爲飯慰我風微得遠行嗟爾何曾當大險一風十日天
無情吾有光明十捆燭甕有殘醪鉢有肉新硯能容一斗
墨免毫蠻紙堆盈簏爲吾徧塞窗中明早晚澄清煮糜粥
吾欲偷閒疾著書誰能更待山中屋

謇博酬余贈荔支倒押子瞻南村諸楊一首韻余仍
依原詩韻次答和並餉以茶

三日不聞提壺盧便愁吾友詩腸枯海航荔支一夕到迺
命短僕提籃驅午風亭榭汗漬襦此物著口涼生膚醍醐
灌汝足眞悅勿復暖暖還姝姝東南口腹天下無嗟爾墮
落東北隅槎枒大餅實腸胃鹽酪不美茶葉粗道人有道
服食異雙龍煮湯生吞珠薦汝頽蚪亦易盡再割雲腳分
精腴莫嗤座上左元放還能立致淞江鱸傾筐倒篋吾何

客相可而授君其圖

適與季直論友歸讀東野集遂題其耑

昌黎下筆天光完滋有意外呈毫端東野琢句多斷殘湮
鬱不發埋心肝以茲論文百不合而彼二士相波瀾惟恐
人間有離析欲把形影搓成團張君昨來適語我交友異
性非所患有從天來入幽可有非梧竹棲不安但取龍鸞
合奏曲勿與犬雞同叫譴我言奏曲亦須異彷彿列鼎調
鹹酸剛克柔克有二道相成相反茲焉殫郊亦滔滔挾愈
勢愈有蘊蘊資郊寒不然一倡百聲和正使吾道愁孤單
伯嚴言古之聖賢人德充而才大則有波瀾有雲霧
該詭以游於世不爲匹夫匹婦溝瀆之行其安身
立命之處乃因不可得見而知德者亦鮮矣余聞

其言而悲之聊因記述并參一解

藐姑冰雪尋常事四海風香盡可餐只爲女媧播黃土被他吹上萬山端

濁世糟醕那可啜也因回面向吾徒傷心只博羣兒笑誕謾饑寒豈丈夫

光緒三十年中秋月

噫余瘦削不成影見汝盈盈在上頭一世閨人齊下拜八方圍寶鏡前投移鐙讀曲行行怨倚杖看雲片片愁病久可勝寒徹骨頽然掩袂若爲秋

崔適字解廬號懷瑾歸安人貢生有解廬詩集

許話解廬治西漢今文之學者書甚富多已刊行其讀書詩有云獨存真面公羊學何劭公與董仲舒可以知其所嚮詩有逸氣

春日有感

古月照今人西馬馳東道太始有遷易故步焉常保蕭蕭
黃葉路芊芊生芳草冉冉孤生桐根株半枯槁日月一何
速憂心替如擣不戚吾年往因知我親老獨步空堂上何
以靖懷抱

下唐福

推篷下唐福振策自東山驚浪暄沙上孤舟出壁間綠浮
巖竹淨白擁水鷗閒縱目多幽賞何辭此往還

吳興懷古

祖孫先後享殊榮胙土分茅在此城破虜起家歸命覆大
吳終始在烏程

舟中作

束身入舟如檻猿坐卧不穩心苦煩夜泊夢打鼉鼓破晝
行飲潑風帆翻奈何千里遂蹈海安得一朝長閉門我生
栖栖何爲者桃梗豈聞土偶言

張宗瑛字獻羣南皮人有雄白詩

詩話獻羣父達生孝廉官河南知縣余與相識獻羣
童時余卽見之早歲能文爲賀松坡高足弟子松坡
稱爲後起之秀曾游歐洲文思益進未幾病歿遺
詩百餘首皆非其所欲存者英才不祿人咸惜之

朱仙鎮題壁

臨歧一杯酒門外卽天涯萬里遠行役時危敢戀家陳雲
侵曉日遠雁落平沙揮手自茲去悠悠惜歲華

夜中不寐慨然成詠

茫茫滄海歎橫流誰挽狂瀾奠九州天地無情成浩劫英
雄有志任窮愁鎗光尙恥爭魍魎煙水何心逐鷗鷗試看

中原名士傳羊公舞鶴景升牛

吳辟疆以用韓退之山石韻見示依韻酬之

闕幽汲遠窮渺微與世背若東西飛老馬齕草常苦瘦蠹
魚食字甯能肥卿雲遷愈去千載強言我貴知者稀搜抉
怪奇姑自娛那知炊斷來朝飢桐城吳君名父子秦王眞
氣驚牖扉肝鬲已作鍼磁吸耳目尙隔煙霧霏鬪文戰藝
日百合短兵渠可斫重圍嗟予薄游經歲載沙塵滾滾緇
征衣燕市屠狗不可作胡爲塵網猶繼轡吳君吳君眞健
者吾生舍子行安歸

楊世謙字伯搗醴泉人有伯搗遺藁

卽事

露蛩吟砌動秋思一鐙耿夜神欲疲蕭蕭西風婦卧病沈

沈長夜兒嘯飢承塵黠鼠紛竄竊天末歸鴻聲參差蕭騷
間散有眞性封侯自分了無期

讀忠州李芋仙刺史天瘦閣集

記得兒時識司馬超宗殊愧鳳毛誇尊前每墮窮途淚門
外常停長者車耿耿一鐙湖上雨明明孤月閣中花吟魂
何處招難復巫峽蕭森日易斜

雨夜

南渡看羣雁淒涼萬里情乾坤憔悴客關塞別離聲竹密
風先覺雲深雨易成稻粱謀正苦飄泊似浮生

葉元吉字子謙懷甯人有懷園詩鈔

詩話子謙爲冠卿中丞猶子樂志閒居性不諧
俗詩專摹宛陵力求雅澹軌綺中未易才也

早春自泉水山歸少憩情涼庵遲友不至

十丈塵中眼忽明
好山如笑快相迎
官橋楊柳稊初茁
墓道棠梨葉半生
古木叢祠成獨憩
夕陽寒色下層城
歸來卻憶山堂事
密雪疏燈坐五更

是夜山中值雪

息機

榆楮成陰柳四圍
病回扶坐玩朝暉
晴空墜葉游絲冑
故壘將雛候燕飛
已是厖涼雙鬢改
可能浩潔此身歸
十年困躋心期倦
那更逢人話息機

秋思金陵客邸作

疏疏紅蓼避人開
寒雨連江雁叫哀
知道南州增嫩在
年年何事卻飛來

小雨飲郊雲齋中

深堂埃壒少常此
息勞薪高樹過疏
雨虛窗落午陰江
淮

聊酒幾遼海徧胡祗不受飄颻感高飛羨羽禽

暮秋同郊雲江樓靜坐

疊嶂寒雲表飛流峻閣前孤華狀秋色喬木出晴煙水驛
仍分戍山墟正怕船塔鈴聞自語沙鳥靜同眠冷興從君
遣清游樂地偏樓尊闌琢玉佛古座垂蓮宵旰憂方甚崙
蒙憤孰蠲西瞻徧榛莽北顧亂腥膻路絕風雲會情生水
石緣中樞忘鼠器下澤惜魚筌選勝初青眼端思漸白顛
暫從塵境外容我一周旋

與雪如露坐看月遂過前澗觀瀑布

空山坐遙夜滿目生幽情鄰家已閉戶人靜山沈沈驚寒
吠狂犬澗谷聲相廕卻疑遠客來自啟柴門迎門啟月光
入照見南枝春悠然寫生意不見氛埃生夜山寒亦睡兀

兀喚不醒飛流濺襟袖匹練當橋橫支鉞聊散步履蹈音
微騰踏林碎寒玉落葉乾有聲人境並怛化顧視都幽情
轉厭塵市中擾擾無時甯

高延第字子上江蘇山陽人官翰林院待詔有涌翠山

房集

詩話子上又號槐西居上少應京兆試未遇深闕不
出銳意著書兼漢宋之學體用畢備黃檗蘭侍郎視
學江南上其名授待詔嘗探山谷語謂文章以理爲
主理得而辭順自然出羣所作詩古文辭能踐其言
斐然質有其文言
理而不落理障

郭外春游

清風引游騎出沒翠崖間老樹敲仍直幽禽語自閒尋溪
初得路停策再看山卻背斜陽去巖城欲上關

唐韋南康郡王紀功碑

德宗御撰太子誦書卽順宗也

天寶失御隳乾綱四海搖蕩無完疆西南門戶恃巴蜀吐蕃些蠻長稱強繩橋西山幾撻伐廬戎邛笮煩邊防南康秉鉞布威信臣服南詔降西羌官軍深入維保路嬰籠執縛同驅羊烽火衰息振彫敝置渠修堰勤耕桑當時功名推第一賜以異數稱勲王至尊親爲染宸翰紀功勒石詞輝煌此邦自昔號難治錯雜夷夏參傖荒年來盜賊起閭里跳刀走戟紛螟蝗貫穿城郭謁長吏牙纛避道人走藏么膺鼠子已如此洪流忽潰焉能當摩挐此碑重歎息救時之才亦難得豺狼塞道狐夜嗥未暇作詩歌樂職

觀嘉陵江漲

幽居長閉門苦被城郭束謁爲郊外游聊寓川上目時值秋水漲勢若海波蹴混混萬象涵悠悠千古速遙觀失崖

俟俛挹蕩塵俗輕煙沙際起歸鳥時相逐何當拏扁舟長
伴鷗鷺宿

住馬道聞雁

蕭條旅舍欲三更殘月初開屋角明一夕霜砧催客夢千
山風樹動秋聲飛騰寶氣看長劍棖觸吟懷對短檠關塞
迢遙驚歲晚南來羣雁正縱橫

蘄州曉起書所見

扁舟西來傍山宿山雲橫江壓船腹曉來忽失江上山浮
空一握青孱顏雲移波動山失據白雲載山欲俱去山雲
變滅豈有常白羽片片隨風揚推篷回望忽無迹青峯飛
墮船之旁我歎山色佳還爲山作計峯蹲岳峙好自立無
爲出雲以自蔽

陳瀚字裕楣號子峻一號德軒湘鄉人貢生有劍閒齋

遺集

詩話子峻少治百家明習國故歿年止二十四著作
 繁富詩體風格穩成五律尤勝渾脫劉亮嚴守杜法
 斷句之佳者如山居云桑葉碧於水菜花黃似金東
 山遣興云客來花影外夢醒酒聲中酬張大云秋山樹
 春晚云客來花影外夢醒酒聲中酬張大云秋山樹
 葉迎風處春水桃花外載酒餘波羅江云帆收燕集檣
 浪靜魚吹沫近岸舟初移迴波羅江云帆收燕集檣
 垣草迎秋白霜花墮夢涼憶家云雨逼寒鐙懸冷豔
 雲扶殘夢到家
 山皆清新可喜

客中有懷東山諸子

知我鄧夫子英年好論文平生多白眼高義薄青雲湖海
能窮命狂名痛累君祇今傷骭髀不敢對斜曛

卓犖張公子伯純溫純曾秀才仙亭談心出肝膽揮手謝塵埃

性靜城孤往時危豈廢材相思隔雲水繞屋幾徘徊

牢落悲黃四

海霞

艱難百計疏鬚眉違世好老大泣窮途更

憶燕山客

雪濤

言裁乞米書淒涼還共惜瘦骨近何如

絕愛潘公子

召巡

奇情隘八荒疏狂嵇叔夜放逸米元章蟹

雨迎人白蠻風接戍黃趨庭應有計終古此邊防

王正魏莊

蓮亦

奇士易臣淦曾臣洛饒古風行藏看寶劍聚散歎

飄蓬鐵馬嘶風勁蒼鷹搏野空平生尊酒意回首各西東

嗟余亦蕭瑟萬感蕩無邊病骨迎秋瘦羈愁逐雨懸風雲

幻人海霜雪逼殘年對鏡羞華髮傷時一愴然

留別湘上諸友

久處情殊淡將離意轉親寒江哀斷雁秋雨送行人文酒
平生事艱難日後身敢爲兒女態騷騷自風塵

京口懷古

鐵甕城邊暮氣涼丹陽湖畔曉飛霜江山四顧空吳楚父
老千年說霸王山寺梵鐘連廢壘賈胡樓閣蔽垂楊臨江
歌管今猶舊逝水悠悠祇自傷

陳璟章字鹿儕大興籍祁陽人諸生有見真吾齋詩集

詩話鹿儕爲仲英表丈仲子屢試不售就滬肄新學
偶中柄致疾誤於醫遽卒年未三十表丈集中痛哭
詞卽爲鹿儕作也遺棄僅數十
首感懷身世時有述德之思

別淮上諸故人

浮雲黯長天我今與子別執手噤無聲悲哉此決絕豈曰
不重來世事渺難說悠悠燕雲高湯湯淮水咽行矣復何
言肝腸爲寸裂寄語世間人何必衷腸熱

日明照新竹蒼翠成琅玕竹間驚宿鳥飛入白雲端雲端
高萬里應怯天風寒寒風尙可持此去路漫漫想君對清

夜思我坐愁歎愁歎亦何益懷惻中心酸

我今涉波濤遠適蛟龍窟秋風動地來獨眺長安月長安
衆才藪冠帶閬金闕自無千里技恐終致竭蹶出門何所
求仰天空咄咄亦知與俗違誰能換傲骨雖非玉求沽敢
令車無軌願君邁前修芳華易銷歇思君若痼疾魂夢時
飛越耿耿萬里心相思成白髮

亳州哀詩五十韻

清芬追義門舊澤溯江水家風忠孝存我祖尤傑士嗟予
生已晚未得親杖几側聞我父言淚落難仰視我祖秉奇
節勲名耀青史雖云耀青史齎恨何時已我祖少奇疑爲
學俗儒恥頭角騰霄龍詩書趨庭鯉靜參象緯經深探陰
符旨清塵邁時哲城府惡譎詭隨官洛下來壯懷據萬里

文雄奈數奇五下考功第蹉跎恐終老彈冠爲強仕獻賦
杜陵哀捧檄毛生喜天馬與神龍未工奔走技翩然辭簪
組上堂親甘飢遠望衡山雲鄉思起江涘深夜仰觀天忽
訝時事否烽燧象已形四郊多戰壘戎馬忽倉皇赤地痛
如燬日日聞鬼哭豺狼滿城市勵志思從戎感時忽撫髀
羣盜弄潢池寇氛近溱洧孤城纍卵危端賴中流砥天下
承平久武事盡廢弛營屯細柳開將軍大樹擬組練未成
軍干戈遽連軌深入狐狸穴逼迫莫能止千帳偃熊羆四
圍突蛇豕金甲夜不脫鐵騎昏盡靡入齊利用矛叱項怒
裂背月死陣雲黑沙暗刃光紫慷慨答君王節義遺孫子
痛哉平生心馬革何處是大節天地昭川流與嶽峙廟食
垂千秋帝德嘉奕世我父尋忠骸蟲沙迷舊址衣冠愴招

魂丹旆歸桑梓著書雖等身皆共塵沙委錢刀譜漢法韜
鈴述戚氏只餘懷友詩叢殘三四紙父也表瀧阡涕泣顙
有泚小子擣昧材祖武難繩美方今切隱憂養癰釀奸宄
浮雲變蒼狗寒山出青兕誰能作霖雨幾處呼庚癸哲人
旣已遙國事嗟何裨我乏班謝才祖德詎可紀嵩山自巍
巍河流自瀾瀾翹首瞻松楸誰與薦蘭芷

感事贈周醅仲并憶湘人

未卜天公意斯人久折磨有家誰可寄無地放狂歌關塞
凝殘月瀟湘咽去波兩年書始達伸紙涕滂沱
定遠思投筆終軍欲請纓登樓愧家世閉戶負平生魯酒
三蕉醉吳鉤半夜鳴良朋容我傲起看斗牛橫

夢醅仲卽答其見夢之作用杜甫夢李白韻

行李正倉皇奄忽夢君至執手苦恩卒未盡平生意人生
本如夢此夢良非易豪氣干雲霄壯懷幸未墜書來夢亦
同誠哉此同志短什見深情毋乃太顚顛丈夫挺傲骨豈
爲世所累悠悠今日歡遑問他年事

李佳字瘦生丹徒人諸生有獨誦堂遺集

詩話瘦生體弱劬學不輟嘗贊屈宋至汴中二十四
人以見志雅重交游手鈔同時十一人所爲文曰友
生集家貧旅食爲人司書記以母疾歸侍湯藥染病
遽歿年僅三十有二畢生坎廩詩多抑鬱結轡之辭
義甯陳伯嚴題其遺集云吳下風情六代前李生才
致發幽研爲看濯濯月中柳初按朱絃益渺然中年
哀樂掇皮真鞵旅歌彈了此身但使江湖晚間道雕
蟲解出草元人江都閱葆之刻獨誦堂遺集既窮愁
成一律云瓊藥朝霞恨未休甘年風雨閉山邱窮愁
誰與昌東野遺草今方定柳州黑塞歸魂勞夢寐錦
囊佳句憶離綏篋中親故多零落賞酒黃墟感舊游
原注君所輯友生集中溫叟賓南湛激皆已物故

南山訪友人

朝雨過清谿風生水雲活餘霞散城表殘虹霽天末青山
如拱人萬黛濃欲潑小橋通幽徑林盡見疏谿坐石埽落
花登峯拊藤葛隔樹透晨煙依依一痕抹遙儀素心人越
夕成契闊抱琴叩柴關相見慰飢渴

出門行

十五出門行父母泣中堂二十出門行妻子悲空房三十
出門行兒女牽衣裳出門旣已苦况復道路長道路三萬
里不復見家鄉黃金絡馬頭青絲爲馬繩行行從此去已
去休旁皇上堂別父母父母愁未央入房別妻子妻子悲
斷腸出門別兒女兒女詢歸裝此去三萬里遠道殊茫茫
黃河無舟楫深山多虎狼絕域不通書誰復知死亡家居
何不樂耽此道路長

短歌行贈王義門

相君不合長數奇胡爲勞勞久行役一第馳驅國士心十
年滄海風塵色世亂紛紛如弈碁歸來少婦展雙眉出門
誰道長安樂老大王生空爾爲

將有遠游示舍弟美叔

行行遠離別手足訴悲辛萬里吾爲客三年汝養親倉皇
憂世亂少小際家貧淮海春波綠相期寄尺鱗

客思

少小依親側饑驅走此身堪憐倚閭意常念遠游人樹色
隨淮盡梅花過海春南轅何日返揮涕望風塵

郭外

傭書已罷渾無事出郭尋春不厭遙桑葉滿疇蠶婦喜麥

田三月雉媒驕香雛美酒邨前市
畫鵲垂楊水外橋歲晚
儻營三畝宅故人栖隱許相招

金陵詞憶葆之

城北城南楊柳枝金陵三月雨如絲
天涯有客應惆悵正
是江南草長時

王嘉詵初名如曾字少沂一字劭宜
晚號蟄菴銅山人
貢生試用通判有養真室詩存

詩話劭宜性至孝沈默寡言日手一卷嘗從馮蒿菴
游工駢散文辛亥後憂憤之志悉發於詩蒿菴稱其
詩宗樊南近代亦出入梅村竹
垞間兼工倚聲有雙白遺意

車中吟

黃犢上阪不得息蒼鷹啄泥長苦飢
秋原四顧慘白日茫
茫使我中心悲我驅單車來落拓走燕趙市上今無擊筑

人高歌嗚咽誰同調道逢乞食兒脫劍贈之聊一笑北風
浩浩吹桑乾洪濤沒轍行路難村廬漂盡禾黍搞噉噉鴻
雁聲嘶酸誰家少年解行樂金丸如雨彈黃雀

江行晚眺

片帆卷輕雲有客登艫嘯涼風江介來瀟灑送殘照吳楚
正蒼然秋色聳羣峭寥天鳥雙下寒渚雁孤叫微波澹容
與中流盪逸櫓曠哉雲水觀適我滄洲傲會當理雙綸去
學任公釣

歲暮雜感

陵嶠瘦骨醒猶狂鋪醖羞隨舉世忙游倦禰衡常減刺客
來江數欲移牀播間富貴憐東郭坐上伊優笑北堂未許
車塵浣襟袖歲寒自惜薜蘿裳

寄劉朴生孝廉

鍾琳武昌

越石憂時久枕戈，浪游忽復阻滄波。
神州幾徧豺狼跡，曠野誰聞兕虎歌。
江漢窮愁荃佩老，乾坤涕淚布衣多。
天寒黃鵠磯頭路，風雪扁舟奈爾何。

東城晚眺

秋山幾點澹無輝，官柳蕭疏尙拂衣。
落日半城風色緊，寒鴉偏傍楚宮飛。

泛舟勺湖因攜饌具游文通寺

湖光碧浸天，塔影出天半。
寺門猶未至，遙望目已眩。
艤舟攜饌具，僧舍飽一飯。
長松隱曲廊，蒼蘚閤深院。
初日麗層甍，突兀瞻崇殿。
寶珞森莊嚴，化身億千萬。
沈沈浩劫餘，佛容亦慘變。
老僧出迎客，破衲不掩骭。
向我作鄉語，淒切問

離亂俯仰增感傷但有淚如霰眾生盡瘡痍大野困龍戰
如何象教力不足任回旋寂寂鐘杵停冉冉鑪煙散辭僧
卻登丹雲水茫無畔津梁誰指迷色相終成幻皈依無苦
行茲游徒汗漫

邱晉成字雲颿宜賓人有古苔精室詩存

詩話雲颿爲尊經書院高材生博意攷訂於蜀中地理水道尤詳覈有雜著一卷刊行詩數魏晉亦近雅音第一時風習所趨往往有匡廓而乏神思公謫之作遊覽之篇音采不殊高辭寡實同光以還湘蜀人士多矜師說所謂不讀唐以後書亦未必無流弊也

敘州懷古

東樓

重城俯江皋岌嶮起曾觀曉構凌紫氛飛藹入霄漢璵璠
闢窗扉洞達卷帷幔欹巘廓西眺滉漾悅東眄雲岫暖孤

塔煙篠沒歸翰山川信開曠景色變昏旦戢戢市廛居紛錯皆可見緬邈少陵游寂寥使君宴舉聲追墮歡聆風想遺轉芳塵竟誰嗣矯首深遐眷

南寺

步出城南闔言尋無等院迤邐背街衢崕崕面江岸茅茨亂坳垣竹柏隱頽殿寂寂槁木居翳翳荒草蔓淒淒拂寒颼悵悵弔遷宦陟徑緬游躅摩碣企遺翰想見軒中客摛華一何燦載筆事徒勤垂翅迹已遠鴟鸞不共棲涇渭竟誰判獲戾在蛾眉古今有同歎

初夏游南巖佛寺

冷官局橫舍精苧坐消歇薄霄愧鴻冥晦迹慙螻屈煩憂誰爲祛陟巘庶軒豁勝引偶相從援蘿陵截薛飛泉灑雲

根古剎蔭清樾傾耳聆啁啾舉目眺凹凸陰壑偃貞松陽
林蔓纖葛凡英秀孤椒芳蘭祕靈窟苑枯亦何常位置隨
造物衆綠難強名當夏皆蔥鬱綿連胡伴嶺寂寞蟄龍穴
登覽詎弭忘萱蘇徒采掇願言謝塵網葺宇伴石佛

兩江口道中

竹輿才下最高峯亂峽迴環又幾重人帶曉煙穿古道天
留殘雪在孤松林間霜葉飛紅蜨石磴銀濤吼白龍回首
山中讀書處寒雲鎖斷碧芙蓉

朱啟運字跋惠蕭山人有棣埕集

詩話棣埕初學詩於妻父汪琬工五七言尤善草隸
書好雅琴能以琴音辨人浮沉驚濁其友陶邵學謂
其性行似元結文字似陳師道
藝術似姜夔非今之士所有云

雨中過句漏洞

北流羣山美清峭此地信有仙人蹤繡屏圍峙參笏立秀
出萬朵青芙蓉我來手扶六尺筇徑欲獨往登支峯舟行
日薄陰雨至川陸一氣腥魚龍西崦半明疏節竹東磯盡
暝危根松長虹下注吸江底飛動似有風雲從千林無聲
歇蜚蜚萬籟俄頃酣笙鐘村煙冪樹搖蔥龍綫縷併入江
霧濃須臾急點到篷背涼意深襲秋衣重驅舟出雨得一
快百道晴瀑懸淙淙卻思青鞵恣攀陟但見丹壑渾霾封
吾生勝因夙所宗洞天幽絕思一逢仙源咫尺論萬里何
物塵土汙我容推窗渺然默惆悵山風獵獵如寒冬

隨山館重晤節堪

七載山棲替海浮梁髯風骨冷砭秋相看不改當時貌一
笑那知舉世憂挂壁龍吟須起蟄通天狐醉可深尤袖中

詩卷鏗前語恐惹霜痕拂釣鉤

贈張廉夫

志清

家無可以質錢之長物乃有不知何代之古琴張侯介介
獲我心嗚呼海內誰知音頗聞此琴取高直持向豪門不
能識三年折閱無售處始肯貶損爲君得我因何子幸接
君宮商入指如有神此琴斲者亦是雷霄倫其清如秋溫
如春堅乃如石高如雲翔鸞注竹猗挂樹哀雁唳宵鶯喚
晨又如端人正士在林谷觀者但見衣冠肅每問必答隨
淺深有犯不校誰榮辱知天下事不出門盡人間書皆已
讀藝成道見仕亦優君復於世當何求卑官叵耐五斗噉
苦羨八極逍遙游我思仙人皆古邱偃佺征僑今在不干
金之軀且不戀此琴性命相賊讐知君讀詩啞然笑泠泠

試作耳與吾心謀

追和厲太鴻秦淮懷古

恩恩南渡競衣冠誰料殘棋一局看末路功名如狗賤先
朝形勝本龍蟠從來煙月悲塵劫賸有春秋紀聖安悵悵
雨花臺上望孝陵松柏總摧殘

小朝廷已足歛歔更遣偷安只歲餘黨論爭迎秦相鹿飢
軍猶厭武昌魚難憑鎖鑰千尋浪若問兵戈一紙書太息
萬梅花樹下衣冠遺瘞恨何如

尙憶湖邊選莫愁輕車細馬一時收但稽南部煙花籍不
築東風燕子樓玉樹臨春誇越豔金鞭沙市看吳鉤依然
采石磯前水相送降旗出石頭

朱門草沒大功坊

漁洋

燕子歸來舊話長柳色自搖瓜步

雨笛聲偏倚板橋霜淒清玉匣藏衣地想像宮車墮馬收
一種興亡兒女怨冷煙斜日弔孱王

朱福清字仙槎嘉興人諸生宣統初舉孝廉方正有最
樂亭詩草

漁舟

春波春草一篙中小泊漁舟不挂篷爛醉漁翁船尾卧桃
花如雨葬東風

老圃

老圃生涯闌半弓此身拌老灌園中夕陽花瘦一籬菊細
雨葉肥千本蕊活水豆澆牛踏碧新繩架護雁來紅名韁
利鎖而今脫荊棘何從困遯翁

晚晴移詩匯卷一百八十終

晚晴簃詩匯卷一百八十一目錄

謝光綺 一首

陳文起 一首

汪述祖 一首

胡庭麟 一首

魏履初 一首

蔣蘭畬 二首

完顏守典 一首

李百盈 一首

陳國順 二首

瞿應紹 五首

吳景延 一首

鄭鵠 四首

許寶雲 五首

陶一鳴 一首

汪錫濤 二首

許愛堂 一首

黃文珪 一首

黃文瀚 一首

董威 三首

邵曾鑑 二首

黃協塤 三首

何允孝 三首

蔣國平

二首

汪淵

六首

黃瑞蓮

二首

徐步瀛

二首

萬方煦

三首

商寶慈

一首

胡睦琴

一首

李麟吉

一首

劉紹寬

四首

蔡燮昌

二首

陸惟燦

一首

褚成烈

一首

吳孚恩

二首

王朝清

一首

王西溥

二首

朱克柔

二首

張陶

一首

甘樹椿

三首

胡醇

四首

楊毓秀

三首

朱應庚

二首

傅壽萱

一首

李光炳

一首

曾紀元

一首

廖壽清 一首

宋士冕 一首

黎宗練 二首

李光燭 一首

鄧方 四首

林毓麟 一首

趙崧 二首

高銘彤 一首

晚晴移詩匯卷一百八十一

徐世昌

謝光綺字方山宛平籍江陰人廣西候補道有蓬吟草
零陵至祁陽道中

湘江清見底盡日好風吹水派看三合山形望九疑小詩
題石壁大字拓崖碑不分浯溪勝春陵獨有之

陳文起字振霞會稽人諸生歷官雲南知府

詩話陳氏昆季並有吏才振霞天性孝友接物誠摯
幼隨其兄苻香大令文藻讀書京寓學作五言詩詠
松有云甯爲貞士友不受大夫封見者快其有志節
既長能文書法歐柳嗣從諸暨蔣觀雲游遂屏棄詞
翰究心當世之務往日本肄習法政譯書數十種爲
世所稱歸國宦滇敏於治事辛亥後以隱市終遺棄
無存止得一絕蓋居
日本東京時所作也

書所見

榻旁鼾睡容難信畫裏登臨舊有情立馬吳山前事在神州回望淚縱橫

汪述祖字仁卿宜興人官浙江知縣

詩話仁卿事親讀書接物謙謹有舊家子弟之風天性孝友於詩見之入仕後仍力學不輟中年謝世所業未成至足惜也

呈彝青大兄

眾口稱坡穎文章弟愧兄知今才辨晰論古筆崢嶸家學淵源在親年喜懼并庭闈同眷戀餘事奮科名

胡庭麟字子振冀州人諸生有涵吾一室詩集

和王介甫陰山畫虎圖用元韻

邊城風勁嚴冬及厚坤凍裂鳶嘯急猛虎乘時肆吞噬攫人不得作人立瞑目矉矉兩杯凸利爪怒搏石深入蹙身

妥尾舌聃談腥風上厲星辰溼君侯作畫筆如刀物醜纖
巨胸中包世間描摹祇類狗始識君侯家法高君侯計慮
窮毛髮才橫更欲捷戎羯身鬱奇能不見收想當下筆目
皆裂余自喜遭時泰然異類慄慄伏窮邊井里樂愷無苛
政學堂高大恣嬉眠不憶將軍射獵年

魏履初字用五南宮人諸生

詩話用五與黃錫齡春圃胡庭麟子振李諧謨備六
皆賀松坡門人爭經勵學作爲詩古文辭具有法度

擬黃山谷書磨崖碑後用元韻

金石歌詠傳涪溪鴻文雕鏤書之碑雨淋日炙字不滅懸
崖石古藤盤絲明皇無語貴妃笑國忠作相胡作兒大鴛
南巡百官走宮廟已墟烏欲栖太子卽位繼大統殺賊誓
眾已能爲獨立一呼梟獍翼疾雷百里馳王師天將昌唐

李郭出宇宙吞吐虹蜺揮受俘策馬獻天子宗社重擎安
不危上皇歸來嗣皇喜中興載詠常武詩臣結稽首頌聖
武豐碑斗字鐫其詞穿鑿洪濛走風雨日月焜耀相追隨
我今對此不能去隔林遙聽鳴禽悲

蔣蘭畬字香農灤州人有壽雲堂詩集

通州道中

五里人家十里村微茫煙樹欲黃昏瀟瀟秋雨槐花路獨
策疲驢上薊門

登碣石

絕頂無人到天風浩浩間一杯小滄海萬點伏羣山白雪
昏連塞黃雲曉出關蓬萊落西極終古未能還

完顏守典字彝齋滿洲旗人杭州駐防諸生有逸園集

餘杭道中

夕陽紅渡水迢迢西望餘杭路向遙借問前途向何處隔溪人指女兒橋

李百盈字豐玉號荷浦城武人貢生有荷浦詩鈔

春暮晚眺

天低平楚夕陽明少女風微撲面生滿徑黃花迷蝶影一塘新水壯蛙聲投巢鴉亂猶盤陣驅犢人來已罷耕歸路微茫渾不辨林梢一抹暮煙平

陳國順原名樹田字硯農西平人有金水吟草

詩話硯農性孝友父歿廬墓三年日暮多難烏旁廬棲宿盛夏不設帳終夜無蚊人以爲異與弟終身怡怡無問言

落葉

昨夜豐鐘報曉霜
風前脫卻翠雲裳
行蹤未敢忘溝壑
根幹還期作棟梁
奉使蘇卿羈絕域
遷官白傅謫潯陽
黃沙路遠須珍重
枝上曾經棲鳳凰

一曲驪歌別故關
天涯流落幾時還
鴻尋舊爪迷前渡
馬踏寒聲過遠山
白板小橋殘照下
紅牆蕭寺暮雲間
飄零易觸金閨恨
折損芙蓉鏡裏顏

瞿應紹字子治上海人諸生有月壺題畫詩

畫梅

纔把梅花寫離亭
玉笛寒一枝君看取
別後寄應難
江南鐙市照花紅
春酒梅花一笛風
此去應消驢背雪
看山一路到雲中

畫竹

小院露霏微新篁掩短扉橫琴相對坐煙翠溼秋衣

蕭蕭颯颯半林秋欲寫風枝筆暫留何處一聲聲唧唧暗
蟲窺月上牆頭

雲衣欲卸碧天長倩影高寒半出牆偷取月篩成粉本山
人畫譜滿迴廊

吳景延字讓卿江蘇華亭人諸生

婉變草堂懷古

一徑入崑麓煙樹鬱蒼蒼黃耳冢已沒白駒泉亦荒髣髴
碧雲深當年讀書堂知幾惜不早賈禍在文章徒令婉變
影高臺變淒涼荒邱莽叢樾古屋廢枯篁俯仰餘太息一
聲鶴唳長

鄭鴻字伯臣曲阜人諸生有懷雅堂詩存

讀漁洋山人詩集感懷雲圖賓石超羣諸先生皆漁

洋裔也

記得髫年學賦詩錦秋湖畔得良師不知此日東堂下可

有梅花似昔時

東堂漁洋故宅
鴻讀書數年

舊事重思各黯然酒場詩社已成煙歸來自惜怱怱甚回

首風光十七年

鴻生於新城二
十歲始歸曲阜

香海風流人已去尙餘螺殼擅辭華淵源家學千秋繼不

愧詩名在杜家

香海髮僧超峯師別號又雲溪師
名茂苓有螺殼山房詩集數卷

司馬橋邊曾覓句桓公臺下幾探春他年再訪花山路惜

少當時舊酒人

新城縣治內有
桓公戲馬臺

許寶雲字曉遲江蘇山陽人有足園遺稟

無題

金屏寂寂漏迢迢誰踏玻璃弄玉簫銀燭燒殘花影醉自拈紅豆破無聊

碧城煙雨曉來多花氣生寒夜有波惆悵玉樓人語悄月明愁聽采菱歌

罡風黑海渺難填慧業人天竟枉然羨煞嫦娥耐岑寂金蟾銀杵自年年

壺天風暖幾黃昏情重翻嫌夢有痕十二珠簾春似海人間何處覓崑崙

疊韻答周禮三并柬秦劍青丈

水瑟雲璈海上來詩懷特地爲君開未諳廬駱當時體已負周秦以後才溟渤何堪儕勺水岱宗料不薄纖埃昨宵夢落淮東寺曲徑花田徹夜猜

陶一鳴字伯雄江甯人諸生有運甓草堂詩鈔

晚過清涼山

斜陽遠照石城西一帶青山鳥亂啼零落古墳無客過晚
鷗飛上野棠梨

汪錫濤字秋軒青浦人諸生有秋軒詩藁

白燕

翩然宣至是耶非五色天書近代稀蕭瑟空梁泥漸落吉
祥虛室夢先歸素心誰與盟朱纓皓首何堪補黑衣鐵冢
海庵遺蹟在春來好向故山飛

報本寺

山門綠樹若相迎一道紅牆隔水明小試龍團禪榻畔靜
聽鈴語答鐘聲

許愛堂字蓉裳海州人有補讀齋詩集

春日村居

溼雲濃霧壓村低
暝盃花畦與菜畦
林角輒風雙燕語
柳陰斜日亂鶯啼
薦饑歲轉安耕耨
劫火灰消罷鼓鼙
何處人間無樂土
結茅擬近小橋西

黃文珪字星廬江甯籍婺源人有酒癡吟草

久雨初霽偕雲門四兄江樓小飲

江上蘆花白吟情又入秋
連朝閒對雨八月冷披裘
牛馬呼名久乾坤放眼收
不妨同嘯傲攜手一登樓

黃文瀚字師竹號瘦竹江甯籍婺源人有揖竹詞館詩

草

晨起

幾日瀟瀟雨閒庭長綠蕪家貧詩夢穩春老客情孤隔院
鳴鳩婦空梁繞燕雛汲泉燒活火一盞助清娛

董威字劍秋武進人有一漚集

登翠微亭

躡石攀條上天空豁醉眸瀑飛雙峽雨雲冷一亭秋老樹
得幽賞空山生暮愁溪清人不見流水自悠悠

孟城山懷古

一峯突兀大江橫有客登臨感慨生雲出終輪歸岫好泉
流不比在山清微官已奪當年節隱士空留萬古名渾似
終南舊蹊徑參軍枉自負幽情

秋草

一抹荒煙鎖夕陽馬蹏鞭影總蒼涼可憐無限東風力不

敵西風一夜霜

邵曾鑑字心炯寶山人諸生有艾廬遺稿

夜夢

夜夢綠蘿月高棲碧玉天白雲飛腳底老鶴卧松巔直上
鶴邊路獨尋雲外泉微聞仙珮響夢落一鑪煙

前芳草曲

碧紗如夢鸚聲小病起羅裙怯寒峭一面東風捲畫簾春
愁滿地誰能掃楚水吳山路幾千蘼蕪深院夕陽天天涯
何處無芳草莫怪王孫著意憐

黃協塤字式權號夢畹上海人有鶴窠村人橐

題倪雲舄山塘聽雨卷子

蕉萃江湖鬢減青客懷生怕雨冥冥輪君畫舸尋春夜獨

明倫彙編 家範典 一
倚蓬窗翦燭聽

柔波漲鴨黛浮螺泛罷觥船倚醉歌何似新晴騎款段山塘七里杏花多

過筠谿弔故友黃瘦竹

筠谿一曲水沄沄每對蒼筤輒憶君萬點落花詞客淚十年宿草故人墳詩篇零亂飄秋雪池館荒涼臘夕曛惆悵鄉村乏椒醕祇吟楚些弔湘雲

何允孝字仲友江甯人諸生有醒齋遺集

懷孫子綸 繇誠

涼秋瘦若此之子意如何願附天邊月伴君應更多鄉心建業水寒訛洞庭波容易一年過西風老薜蘿

和陳雨丈寂寞原韻

此老書篇結夙緣幽齋蠹簡苦迴旋昨宵微雨草初長幾
日東風春弄權廣武原中觀逐鹿天津橋上聽唳鵲逍遙
世外渾無與名理清談玄又玄

夜坐

兒添鑪火女溫茶坐待三更月影斜靜夜耳鳴疑有雨中
年眼翳欲生花身鯁到處皆如客親老無時不戀家豪氣
元龍銷幾許將尋野叟問桑麻

蔣國平字平叔上元人有平叔詩存

宮怨

御溝秋水靜潺湲日暮寒鴉自往還水殿雲房明月苦玉
顏低唱念家山

舟入鄧尉宿還元閣

鄧尉山中皆奧區梅花萬樹色香鋪夜來夢入雲深處七十二峯時有無

汪淵字時甫績溪人貢生有味菜堂詩集

詩話曲園稱時甫山水詩狀難狀之景險語疊出未免過情其平淡中新穎可喜者如春暝云暝色赴疎鐘花香落清磬重陽云愁如綠水吹仍

春暝

春煙綠濛濛吹入薜蘿徑暝色赴疎鐘花香落清磬聞房禪誦歇空谷鳥聲定何處松風來幽人扶杖聽

虛堂

虛堂讀書罷微吟倚秋樹疎竹瘦扶煙涼花澹凝露開簾月延入披襟風暗度何處瓶笙喧驚殘夢如霧

曉泛

晨起理漁榜言泛西溪渚水曙雞亂號沙寒鷺翹舉鳴榔
何處聲欲往尋煙語不見蘆中人濛濛隔江雨

富春山樓

絕磴緣巖入危樓與岫齊鐘聲白雲外帆影夕陽西江遠
樹如沒潮來天欲低高風不可卽懷古意淒淒

重陽

簾捲西風鬢欲霜消魂時節正重陽愁如綠水吹仍縐人
比黃花瘦亦香五夜悲秋蛩語急一鐙搖夢雨聲涼年年
攜酒登高會誰寄茱萸作佩囊

書秦少游遣妾邊朝華詩後

小紅縱幸生前嫁樊素方深別後愁一樣情天恨難補西
風寂寞古藤州

黃瑞蓮字少白一字嘯百黟縣人有韓隱廬詩鈔

武昌懷古

大別山頭望九疑武昌城下柳垂絲因風玉笛來何處跨
鶴仙人去幾時狂到禰衡偏愛死才如崔顥例稱詩偶來
憑眺添惆悵獨立滄江總繫思

上游形勝控蠻荆一綫河流接岳衡水上不聞湘女泣月
中猶有夜烏聲千秋名士皆塵土一代興亡枉戰爭借問
滔滔江漢水可能淘盡古今情

閒吟

草色連天沒燒痕數聲嘯鳥出漁村山容過雨青連岸柳
色籠煙綠到門遠水獨歸彭蠡闊羣峯都讓小孤尊江干
閒步微吟久自寫新詩侑酒樽

徐步瀛字眉似號洛卿平湖人諸生有南徑隘巷兩集

石梁

無計消煩慮閒行步石梁雲端見新月水際尙斜陽客鬢
滋秋色征衣怯夜涼隔林有歸鳥繞舍自回翔

夜雨

作客本無夢况經雨意深空階一萬滴滴滴是秋心落葉
他鄉樹孤鐙旅夜吟披衣不成寐夜半起鳴琴

萬方煦字伯舒一字對樵浙江山陰人有豫齋集

題趙集賢桃源圖

桃花開落一千年落英墨淚紅斑斑白雁飛來天地改人
間那復有桃源雲樹蒼蒼煙水暮花閒遠近渺何處地坼
天分了不知一片趙家乾淨土哀哉王孫泣迷途淵明記

載亦模糊武陵仙境今則無莫謂仙境今世無青溪紅樹
在此圖隴湟兵氣秦人吁儻可往者吾其徂

寄謝枚如潼關

纔得相逢又別游雨絲煙柳送春愁儂心不及黃河水抱
定潼關日夜流

登望河樓

樓勢凌城郭清秋發浩歌西風吹太華斜日渡黃河陝樹
臨關斷秦雲入晉多生平懷利濟憑檻向滄波

商寶慈字子莪嶧縣人諸生兼襲雲騎尉有西溪詩存

村居卽事

村居風味不嫌貧白板雙扉絕點塵天爲洗除華貴氣疏
花小石著詩人

胡睦琴字梓材泰順人有自怡悅齋詩藁

擬儲光義田家雜興次韻

煙村八九家結屋十餘畝同井勤春耕出入恆相友客至
當具餐朋來輒命酒日夕牛羊來閒散雞豚走園種青陵
瓜門垂陶潛柳遠岫列窗櫺白雲生戶牖倉庾粟常充那
復慮升斗借問宦游人曾知此樂否

李麟吉字也雲會稽人諸生有潤玉堂詩草

從柯橋夜歸郡城

天影墮湖水羣星擁棹飛夜深船過少市遠柝傳稀破浪
鷗驚夢隨風螢落衣誰家人不寐燈火出柴扉

劉紹寬字次饒平陽人拔貢有厚莊詩文鈔

懷亡友朱次莊楊子閭寄鮑拙中

少年頭角記峻嶒王後盧前世並稱長阪霜蹏千里駿層
霄風翻九秋鷹江湖垂老悲寥落樽酒平生幾友朋歲暮
相依吾與汝蒼蒼古木附寒藤

鯨山觀瀑

清晨上鯨山言訪鳳仙寺山行未及半泉聲淙然至仰見
瀑流懸十丈乃及地入寺尋水源巖巖倚幽邃下注百尺
潭上出層巒翠蕩漾忽隨風蚪姿生百媚羈勒脫懸崖決
驟如奔驥如組復如琴孰馭六龍轡霧雨盡濛濛殷雷魄
爲悸不謂耳目間覩此發皇異憶昔樂城游懸流近城治
日夕出衙齋清游極恣肆選勝到龍湫空奇絕思議詭譎
羅萬狀下筆不能記梅雨訪深潭曾亦豪情寄石門扁舟
過登臨失交臂平生未始游廬山空夢寐今茲塵外逢那

復意中事自歎拘墟人苦爲塵俗累咫尺不相知能無山
靈愧書此志吾過感喟未能置峭壁列森森待補摩崖字
酬朱味溫

衰年病體今粗健攬鏡深悲髮半斑世事慣看易桑海故
人相憶隔雲山著書各爲風塵誤閉戶無多歲月閒何日
論文重載酒徜徉百二十峯間

戊午重陽寄鮑中勇

七度重陽七寄詩年年撚斷幾吟髭側身滄海橫流地極
目江山搖落時秋色漸於楓葉覺霜風欲逼菊花知吾儕
撫節原多感料爾登臨無限思

蔡燮昌字耀甫德清人有玉塵山房詩集

送族弟鳴岡少尉之瑞昌

馬脊山何處蒼巉隔萬重地偏人鮮到天遠雁難逢春草
他年夢浮雲此後蹤弟兄有龍驤所望亢吾宗

奉新道中

衰草長松一徑斜隔溪雲水罨山家西風影裏夕陽白開
徧野田蕎麥花

陸惟燦字光甫嘉興人有碧漪坊人遺草

書夢華先生詩集後

桐城去後無詩史差喜龔君起故關何意狂誕喧世日再
聞鸞鳳嘯雲間清微絕俗陶彭澤哀豔驚人庾子山此事
千秋公奪席伊唔小子願追攀

褚成烈字遺生餘杭人諸生有玩花軒吟草

送鶴齡之紫港

客中愁寂寞大雪送君行去路雲山亂扁舟琴劍輕寒風
吹別酒舊雨感離情惆悵江干望林煙兩岸平

吳孚恩字蜀青嘉興人諸生有笛樓詩橐

上巳日與八兄偕同社諸君集面城園

池館何人掃劫灰春陰又見長莓苔水楊柳綠風初過山
鷓鴣嗁雨欲來草色拖藍迷竹徑花枝綴錦照金杯縱教
不是蘭亭會也欲尋詩日往回

海螵

蝟蝟搜螺屬型蟻出海涯惟螵形較瘦佐饌味殊佳髻細
青迴黛紋纖紫旋網噓涎差異蛭負殼略同廬螯潔滋生
易零星蠕動皆尾原難自斷頭豈忍常埋雨歇齊緣島潮
平密瓣薄掬應來浣女拾更有鄰娃披礫篩魚簪淘沙溼

鳳鞋浮屠層髣髴湘簾粒分排薑豉祛腥稱椒香點醯諧
漉羹微下酒撥火迅投薪轅想銅鎗滑盛先璫盃揩蘸鹽
疑雪慘綻穀想風颭益簇江蟠共盤堆石蚌偕夾尖初試
翦刺肉欲攜釵珠曲鍼穿蟻箝交角透蝸澈牙噴玉屑觸
趾響瑤階珍笑蚶充錯羞嗤卵作腴薦新從斃社喚賣踏
花街村釀愚增價禪鐙可破齋肥輪三泖鰕鱸奪五湖鮓
擊鉢催吟興分箋愜素懷深慚拈險韻擲摺入詩牌

王朝清字肖蘭永嘉人諸生有留硯山房遺草

春暮憶別

鬢絲禪榻事全非瘦盡深紅綠又肥人去新愁隨草長春
歸殘夢和花飛流鶯院落東風冷嘯鳩天涯暮雨霏盼望
錦鱗消息斷祇將心事託金徽

王西溥字益仲號栖園仁和人

秋興

蒹葭露白蓼花紅
市散溪橋立晚風
蝙蝠墮簷疑病鳥
蜘蛛補網待秋蟲
古人骸骨千年至
造化鑪錘萬物銅
佛笈仙經披覽徧
兩閒何地著虛空

桑下分甘徧子孫
老翁性不耐愁煩
高撐瘦骨巡簷鶴
牢鎖秋心入笠豚
篋笥之中紉扇棄
君親而外布衣尊
遙知邊塞風塵靜
天馬西來貢大宛

朱克柔字強甫嘉興人諸生有朱強甫集

上黃岡胡穉香先生

冬山奇翠剝不落
再拜今見胡先生
天下承平傑士老
鷹雕翻多鄉里名
兄亡弟廢分產淦
八口併合一而三
有母

有母耄更甘入門一笑風澈肝萬金委託常在腕袖中蕭
蕭賣田判咸同上下嬉天狼出沒黃麻百戰場先生時作
綠鬢郎落日橫及每跳踉欲走從軍親在堂矧今慈竹嚴
高霜酒酣縱談胡益陽中興大業網挈網嗚呼皇天哀民
命三十鰥魚自貞勁行年半百未爲衰益陽中丞儻見之
麻城卧疾

一病方知客思家意陡歸昏明每計杪潦煥自斟衣倚枕
夢痕碎侵人藥影肥數行游子淚未敢寄庭闈

張陶字淑園平陽人有淑園詩存

辛卯春余與松生於獅麓作別業數椽顏曰賓廬蓋
取去住無常之意

同來徐孺子小憩此賓廬非止避塵市亦堪供道書雲霞

隨去住山水任樵漁此外一無有清風吹太虛

甘樹椿字雨亭潛江人貢生有靈庵先生遺詩

書怡亭銘拓本後

觀音巖畔波初起銀濤直瀉天萬里怡亭寂寞山月高空
餘斷碣沈江底大書深刻永泰年銘者裴虬筆如椽李莒
八分陽冰篆卿雲采絢星珠聯吁嗟乎世事白衣幻蒼狗
隴西詞客今何有武昌江上片石存遂使姓名長不朽君
不見嘉祐七 years 上泉書苔紋剝蠹淪瓦缶

荆門州北二十里上泉寺有嘉祐壬寅石刻字體離奇而姓名剝蝕不知何人書也

馬滄湖感舊

白鶴樓前水滿陂沿隄楊柳碧如絲中流笳鼓都銷歇祇
有荷花似舊時

江村晚眺

遙天一色鬱青蒼
數點寒鴉趁夕陽
流水無聲莽蕭瑟
滿林黃葉落秋霜

胡醇字萬六號雪舫廣濟人諸生有聽香閣詩草

宿青山林精舍

夕陽暝前山迢遞
出深谷引領望青林
紆徑凡百曲石盡
泉聲小秋高山氣肅
行行得古寺厯厯見
喬木月出僧未歸
林深鳥先宿山門不
見人涼露下修竹

雨後渡江

雨歇風轉生孤舟
疾如驚濤濤煙靄中
望見漢陽樹霽景
匯中流人聲沸古渡
不見晴川樓疏鐘颯
何處

獨夜

獨宿不成寐蕭蕭天北風孤村螢影外荒歲犬聲中筆硯
生涯拙兵戈世路窮鎧花破愁絕一夜伴人紅

登鮑明遠讀書臺懷古

木落寒崖鶴雀哀夕陽愁入鮑家臺流空日月堂堂去拍
座煙雲故故來骨肉至情工作別帝王大度不容才古今
何限窮途淚萬里江山一酒杯

楊毓秀字子堅東湖人諸生有縈清樓集

東湖竹枝詞

隔岸西洲畫不如桃花照徹野人居洲邊春漲濃於酒醉
煞花魂化作魚

產城西支流中以桃花開謝爲生死故名

荷衣裁作玉檠形萬點荷鎧萬點青昔日秦兵今不戒移
將鎧影照雙星

七夕兒童以荷葉簪鎧爲戲俗傳白起兵來見城中鎧火以爲被焚遂解去

遲子潤不至

歲除寄我病中書
相約尋春過敝廬
遲爾不來春欲暮
可曾病與歲俱除
雨寒遂谷鶯聲寂
花落清江水漲初
幾日侯芭能載酒
元亭惆悵子雲居

朱應庚字恢元號菊坡湘鄉人諸生有菊坡詩藁

題吳稱三

德襄

廣文石筍山房圖

粼粼石筍闢天關
時見空林放白鵬
寂寞幽人三畝宅
玲瓏曉日一房山
披圖百里成孤往
爲客經年尙未還
亦擬入山尋洞壑
秋江風雨暮雲間

望金華山

雙龍洞前青嫋嫋
夜半空林招白鵬
赤松一去不復還
澗中怪石橫榛菅
山雲墮地秋如水
落日蒼茫幾千里
浩浩

山中高卧人悠悠道上遠游子破衣赤足一頑仙門前老
檜三千年白羊倏忽不知處菖蒲花發月嬋娟荒巖日落
秋風早游情歷歷東陽道紫芝如掌尚可餐何用滄波訪
三島

傅壽萱字韞真號補癡湖南甯鄉人諸生有補癡詩草
蚤秋

自負元龍氣頻登百尺樓萬山懸暮雨一夜報新秋詩思
題襟集歸心杜若洲那堪遵渚雁汎汎逐沙鷗

李光炳字文珊號曉蓉湖南桃源人諸生有小芙蓉館
遺稿

擬黃魯直謝黃從善司業寄惠山泉

惠山寒泉水雪俱故人惠泉兼惠書調水符仿坡公法不

愁魚目混明珠呼兒烹鼎試雲腴兩腋清風生穆如願攜
詩筒兼茗椀一蓑一笠老江湖

曾紀元字麟父湘潭人有思蘭堂詩集

端午舟中暴雨

風吹十萬柳絲搖斷鎖蛟龍捲怒濤山色入船人盡綠水
光穿電雨翻瓢浪中豪氣隨雲上醉後詩魂倩月招此去
應連天不遠羣仙歌吹正清寥

廖壽清字百梅衡山人諸生有白山集

過永興

試憑高閣上頻看亂谿流日落孤颿接天空楚岫幽獸形
盤石怪雁影入邊愁下界誰吹笛臨風一倚樓

宋士冕字頰之湖南桃源人諸生有寸草吟

山中雜句

霜痕深染一林殷歲暮人家各自閒
酒瑱熏爐收拾了鄰翁約看雪中山

黎宗練字天石瀏陽人有澄觀集

暮春東郊晚眺

雲氣空濛落照遲鳴鳩穀穀雨如絲
重來被酒東門路又是風花撲面時

谿山曲曲掩雲巖谿水粼粼落照銜
好是湘江船未泊綠楊影裏見風帆

李光漢字契可岳陽人有燕臺雜詠

曾主政丙戌九月還湘丁亥三月復抵京
詩約上已

同游

黃華叢裏餞行旂獨繫燕臺思悄然秋月衡雲歸夢繞春
風沂水故人旋他鄉共著游山屐上巳同乘載酒船身世
百年幾閒日莫辭沈醉杏花天

鄧方字方君一字秋門廣東順德人有小雅樓詩集

夜宿山響樓

危樓據絕頂雨歇煙空濛簷際縮餘溜林杪懸長虹入門
僧罷參嫋嫋西堂鐘洗藥供白佛難蔬飯青童譚久濺花
雨坐深吹竹風時聞百泉響遠出西澗中羣喧轉成寂眾
象皆爲空夜明山鳥驚月挂前溪松澹澹香靄沒微微殿
角東孤吟燭隱綠短睡鐙留紅願言謝塵鞅常此對支公
今宵石牀夢夢過東西峯

雨後湖亭待月

湖光盪片雲上下照空碧澹然清波間一雨洗秋色空江
送殘鐘餘霞映石壁亭亭孤月開天水如不隔叢樹忽掩
映煙中鳥語夕招要登古亭列坐據危石草根滋露光滿
林泣深白夜半清籟鳴境喧意彌寂倚柱思重裘憑欄岸
輕幘夢醒單牀寒微聞松露滴

永綏胡十二客九江感寄

一天涼影雁南還人在匡廬杳靄間
騶外晚雲三楚樹馬前秋雨六朝山
風波遠客眠餐損兵火荒江戰守閒
近得故鄉消息否下游牙纛海門關

荒邨

獨樹營邊蘆雁唳荒邨一月水東西
雲中不見烏岡影衰柳秋風十里隄

林毓麟字濤如華陽人有澹秋集

夜過李詠南村居

柴門深掩靜無譁路入叢陰村徑斜架擁圖書高土業香
分蔬酒故人家檐前蠟炬三更月水底笙歌兩部蛙坐久
不知行路倦挑鐙還與話桑麻

趙崧字筱容遵義人有含光石室詩草

登惠山作

雙闕暮雲間登臨意自閒孤舟晉陵水落日太湖山泉響
磬聲答天空飛鳥還梅花已開徧煮茗對禪關

九曲亭邊水游鱗荇藻齊品題傳陸羽鳴咽出梁溪鐘梵
雲中合神仙洞府迷游人樂忘返塔影下山西

高銘彤字焯珊一字彤伯貴筑人有湘楓宦遺藁

評話煌珊爲唐威愾公外孫生不及見其父母又早卒育於外氏以孤露力學所作碑序詩賦銘贊規擬蕭選曠博道麗卒年僅十有八歲信爲異才

擬李昌谷天上謠

九扈星冷搖空青仙溪玉女浣白雲桂露疎疎溼銀兔吳質枕霓叩煙語湘娥拈芷呼秦鳳紅桃輟花息春夢帝垣煙暝三千里綠牒金章傳帝子裁霞策日璇階舞風應鵝笙咎靈鼓鴻龍杼鱗爭驅逐衍溢天河散銀雨

晚晴移詩匯卷一百八十一終